

ქ. ჯვარი

13 მაისი 2022 წელი

ერთის მხრივ, სსიპ კოლეჯი „ლაკადა“ (შემდგომში - „შემსყიდველი“), წარმოდგენილი მისი დირექტორის მ/შ თეანა ქუხილავას სახით და მეორეს მხრივ, შპს „გემი“ (შემდგომში - „მიმწოდებელი“) წარმოდგენილი მისი კობა ყალიჩავას სახით, „სახელმწიფო შესყიდვების შესახებ“ საქართველოს კანონისა და მიმწოდებლის სატენდერო წინამდებარე საფუძველზე, **NAT220006731** ელექტრონული ტენდერის (აუქციონის გარეშე) ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას (შემდგომში - „ხელშეკრულება“) შემდეგზე:

1. გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“- ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურეობის/საქონლის მიწოდებას ხელშეკრულების ფარგლებში.
- 1.6. „მომსახურების/საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - № **NAT220006731** ელექტრონული ტენდერის სატენდერო დოკუმენტაციის ტექნიკური მოთხოვნები, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ხელშეკრულების საგანი

- 2.1. წინამდებარე ხელშეკრულების საგანია, სსიპ - საგანმანათლებლო და სამეცნიერო ინფრასტრუქტურის განვითარების სააგენტოსა და სსიპ კოლეჯი „ლაკადა“ - ს შორის 2021 წლის 13 დეკემბერს გაფორმებული № 320702 ხელშეკრულების ფარგლებში, კოლეჯისთვის აღჭურვილობის (CPV 42600000) სახელმწიფო შესყიდვა განხორციელება წინამდებარე ხელშეკრულების შესაბამისად, სატენდერო დოკუმენტაციისა და სატენდერო დოკუმენტაციის შესაბამისი დანართების მიხედვით.
 - 2.2. საქონლის დეტალური აღწერა, რაოდენობა, ტექნიკური მახასიათებლები და ღირებულება განსაზღვრულია N1 დანართით, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 2.2. დაფინანსების წყაროს წარმოადგენს 100% საკუთარი შემოსავლები.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს **55 400,00** (ორმოცდათხუთხმეტი ათას ოთხასი) ლარი (დღგ-ს ჩათვლით).
- 3.2. ხელშეკრულების ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. საქონლის მიწოდების პირობები და ადგილი

- 4.1. საქონლის მიწოდება და მისი ადგილზე გამართვა მიმწოდებელმა უნდა განახორციელოს ხელშეკრულების გაფორმებიდან 30 (ოცდაათი) კალენდარული დღის ვადაში;
- 4.2. საქონლის მიწოდებას და მისი ადგილზე გამართვა მიმწოდებელი უზრუნველყოფს საკუთარი ხარჯებით.
- 4.3. მიმწოდებელმა საქონლის მიწოდება და მისი გამართვა უნდა განახორციელოს მისამართზე: ქალაქ ჯვარი, ყაზბეგის #2, ფოცხო - ენერის დასახლება.

5. შესყიდვის ობიექტის მიღება ჩაბარების წესი

- 5.1. შესყიდვის ობიექტი მიწოდებულად ჩაითვლება მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერით.
- 5.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს სსიპ კოლეჯი „ლაკადა“ - ს დირექტორის მ/შ თეანა ქუხილავას.
- 5.3. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სსიპ კოლეჯი „ლაკადა“ -ს დირექტორი თეანა ქუხილავა
- 5.4. ხელშეკრულების 7.4. პუნქტის შეუსრულებლობის შემთხვევაში შემსყიდველი უფლებამოსილია უარი განაცხადოს მიღება-ჩაბარების აქტის გაფორმებაზე და მოითხოვოს ხელშეკრულების პირობების შესრულება შემსყიდველის მხრიდან რაიმე დამატებითი ხარჯის გაწევის გარეშე.

6. ანგარიშსწორების ფორმა, წესი და ვადები

- 6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე ეროვნულ ვალუტაში.
- 6.2. შემსყიდველი ანგარიშსწორებას ახორციელებს ხელშეკრულების მე-5 მუხლით განსაზღვრული წესით შედგენილი მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

7. გარანტია

- 7.1. საგარანტიო ვადა მიწოდებულ საქონელზე შეადგენს დანართი №2-ში განსაზღვრულ ვადას.
- 7.2. მიმწოდებელი პასუხს აგებს მიწოდებული საქონლის ხარისხზე, საგარანტიო პერიოდის განმავლობაში მიმწოდებელი ვალდებულია საკუთარი ხარჯებით უზრუნველყოს მწყობრიდან გამოსული საქონლის შეკეთება, ხოლო შეკეთების შეუძლებლობის შემთხვევაში - მისი შეცვლა, შემსყიდველისგან შეტყობინების მიღებიდან 10 (ათი) სამუშაო დღის ვადაში;
- 7.3. საგარანტიო პერიოდში საქონელს აღმოაჩნდება ქარხნული წუნი ან დეფექტი, მიმწოდებელი ვალდებული იქნება შემსყიდველისგან შეტყობინების მიღებიდან 10 (ათი) სამუშაო დღის ვადაში გამოასწოროს აღნიშნული ნაკლი (ქარხნული წუნი ან დეფექტი). თუ ამ პერიოდში საქონელს აღმოაჩნდება ქარხნული წუნი ან დეფექტი, მიმწოდებელი ვალდებული იქნება შემსყიდველისგან შეტყობინების მიღებიდან 10 (ათი) სამუშაო დღის ვადაში გამოასწოროს აღნიშნული ნაკლი (ქარხნული წუნი ან დეფექტი).
- 7.4. ნაკლის გამოუსწორებლობის შემთხვევაში, შემსყიდველი უფლებამოსილი იქნება იმოქმედოს მოქმედი კანონმდებლობის შესაბამისად და მოითხოვოს წუნდებული საქონლის შეცვლა ახლით. მიმწოდებელი ვალდებული იქნება საქონლის შეცვლა უზრუნველყოს შემსყიდველისგან შეტყობინების მიღებიდან 10 (ათი) დღის ვადაში.

8. ხელშეკრულების შესრულების კონტროლი

- 8.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.
- 8.2. შემსყიდველის მხრიდან ხელშეკრულების შესრულების კონტროლს ახორციელებს ამხელშეკრულების შესრულების კონტროლის განმახორციელებელი პირები
- 8.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.
- 8.4. კონტროლი ხორციელდება როგორც მომსახურების/საქონლის მიწოდების პროცესში, ისე მისი დამთავრების შემდგომ, მიღება-ჩაბარებისას.
- 8.5. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

9. მხარეთა პასუხისმგებლობა ხელშეკრულების პირობების შეუსრულებლობისათვის

- 9.1. მიმწოდებლის მიერ ხელშეკრულებით გათვალისწინებული ვალდებულებების შეუსრულებლობის შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით;
- 9.2. ხელშეკრულების პირობების არაჯეროვანი შესრულებისათვის (მათ შორის, ვალდებულების შესრულების ვადაგადაცილების დროს) მიმწოდებელს ეკისრება პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით;

9.3. ხელშეკრულების ნაწილობრივ შესრულების შემთხვევაში, მიმწოდებელს ეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 5%-ის ოდენობით.

9.4. მიმწოდებლის მიერ ხელშეკრულებით გათვალისწინებული ვალდებულებების შეუსრულებლობის შემთხვევაში, შემსყიდველი უფლებამოსილია, პირგასამტეხლოს თანხა გამოქვითოს მოწოდებული მომსახურების ასანაზღაურებელი თანხიდან.

9.5. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.6. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

10.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

10.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

10.4. 10.3. მუხლით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

10.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

11. ხელშეკრულებაში ცვლილებების შეტანა

11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

11.2. ხელშეკრულების პირობების, მათ შორის ღირებულების შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11.4. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. ხელშეკრულების შეწყვეტა

12.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

13. სადავო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლიას საქართველოს კანონმდებლობის შესაბამისად მიმართოს სასამართლოს.

14. სხვა პირობები

14.1. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

14.2. მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან მიწოდების ადგილის შესახებ ინფორმაციაში მითითებულ დანიშნულების ადგილამდე ტრანსპორტირების პროცესში.

14.3. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14.5. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

14.6. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულებდა ქართულ ენაზე.

15. ხელშეკრულების მოქმედების ვადა

15.1. ხელშეკრულება ძალაში შედის მხარეთა მიერ ხელშეკრულების ხელმოწერის დღიდან და მოქმედებს 2023 წლის 1 იანვრის ჩათვლით, გარდა მე-7 მუხლის 7.1 პუნქტით განსაზღვრული საგარანტიო ვადისა.

16. მხარეთა იურიდიული მისამართები და რეკვიზიტები:

შემსყიდველი:

მიმწოდებელი

სსიპ კოლეჯი „ლაკადა“

შპს „გემი“

ქ. ჯვარცაძის ქ. # 2

ქ. ზუგდიდი, კედის 2

შესახვევი 26

ს/კ 242728679

ს/კ 420001321

ტელ: 595 50 67 32

ტელ: 577 62 82 09

წარმომადგენელი:

წარმომადგენელი:

დირექტორის მ/შ თენა ქუხილავა

კობა ყალიჩავა

ბანკი: ხაზინა

ბანკი: თი ბი სი -TBCBEGE22

GE23TB7873536060100001

დანართი # 1

N	დასახელება	ტექნიკური მახასიათებელი	ზომის ერთეული	რაოდენობა	ერთეულის ღირებულება	ჯამური ღირებულება
1	ელექტრო ფრეზი	სიხშირე: 220V-240V~50-60Hz; საწყისი სიმძლავრე: არანაკლებ 2000 W; სიჩქარე დატვირთვის გარეშე: არანაკლებ 8500-22000 ბრუნნი/წუთში; ღრმულის ამოჭრის შესაძლებლობა: არანაკლებ 6,8,12 მმ; ჩაღრმავების შესაძლებლობა: არანაკლებ 0- 60 მმ; 1 ცალი ბეჭედი; 1 ცალი ალუმინის სიღრმის მარეგულირებელი ტარი; 1 კომპლექტი პარალელური მიმმართველი; 1 ცალი ქანჩის გასადები;	ცალი	1	370,00	370,00
2	ხელის ელექტრო ფრეზი	აქსესუარები კომპლექტში 3Xცანგა (6,8,12 მმ), 1Xმაკოპირებელი რგოლი, 1Xალუმინის ჩამკეტი, 1Xპარალელური მიმმართველების კომპლექტი, 1Xგასადები ბრუნთა რიცხვი არანაკლებ 8000-22000 ბრ/წთ ძაბვა 220- 240 ვ. 50/60 ჰერცი ფერი ყვითელი/შავი სიმძლავრე არანაკლებ 2000 ვტ ვერტიკალური სვლა 0-60 მმ დაცვის კლასი II	ცალი	1	360,00	360,00
3	რკინის ელსაჭრელი	ძაბვა: 220V-240V ~ 50-60Hz შეყვანის სიმძლავრე: 2400W დანა ზომის: 355x25.4x3 მმ დატვირთვის სიჩქარე: 3900rpm მაქსიმალური.ჭრის სიმძლავრე: 100 მმ მრგვალ მილში 100X100 მმ კვადრატულ ფოლადში 120X100 მმ რექტანგულ მაქსში. ჭრის ფოლადის ბარი: 50 მმ 1 ცალი 355 მმ ჭრის დისკით	ცალი	2	870,00	1 740,00

4	შედულების აპარატი - კემპი (MIG/MAG/N O GAS)	ნახევრად ავტომატური მავთულზე მომუშავე 1- ფაზიანი 160 A-ნი შედულების მოწყობილობა, რომელსაც შეუძლია შეასრულოს შედულების 6 რეჟიმი, როგორც დამცავი ან ინერტული აირების (MIG/MAG) რეჟიმში, ასევე გაზის გარეშე რეჟიმში (NO GAS) სპეციალური ფლუსიანი მავთულის გამოყენებით უზრუნველყოფს ფოლადის, უჟანგავი ფოლადისა და ალუმინის შედულებას. ძაბვა (V): 220 - 230 V ± 15% სიხშირე (Hz): 1 ~ 50 Hz სიმძლავრის დიაპაზონი: 30 A ...160 A / 2,5 κVa - 60% რეჟიმების რაოდენობა: 6 გამომავალი სიმძლავრე (20%): 130 A გამომავალი სიმძლავრე (35%): 100 A გამომავალი სიმძლავრე (60%): 75 A ეფექტურობა (100%): 20% უჟან. ფოლადის მავთულის Ø: 0,8 მმ ფოლადის მავთულის Ø: 0,6....0,8 მმ ალუმინის მავთულის Ø: 0,8....1,0 მმ ფლუსიანი მავთულის Ø: 0,9 მმ წონა: 31.5 კგ	ცალი	1	2 235,00	2 235,00
5	TIG 200 არგონი სვარკა (შედულების აპარატი)	ძაბვა(ვ): 220, სიმძლავრე(ვტ): 4380, ელექტრული დენის ძალა(ა): 10-180, ეფექტურობა (%): 85, გადახურებისგან დაცვის კლასი: F, სიმძლავრის კოეფიციენტი: 0.73 ელექტროდის დიამეტრი(მმ): 1.6 – 4.0 ზომა (სმ): 41*16*31, წონა(კგ): 6.4, სვარკა და არგონი კომბინირებული, არგონი, მუშაობს უჟანგავ ფოლადზე (ნერჟავეიკაზე) იდეალურად	ცალი	1	1 540,00	1 540,00

6	Suvirinimo aparatas TIG 250 DC, 250A, 400V	მიწოდების ძაბვა: 400V, 50Hz სამუშაო ციკლი 60%: 250 ა სამუშაო ციკლი 100%: 195 ა ღია წრედის ძაბვა: 73 V შედულების მიმდინარე დიაპაზონი: TIG 5- 250A; MMA 5-250A შედულების მეთოდები: MMA, TIG DC ანთება: HF პულსი: დიახ პულსის სიხშირე: 0.5 - 200 Hz მახასიათებლები: Anti Sticking, Hot Start, Arc Force, Digital Smooth Adjustment დაცვის კლასი: IP23 საიზოლაციო კლასი: ფ ზომები: 475 x 190 x 350 მმ წონა: 11 კგ	ცალი	1	7 000,00	7 000,00
7	Suvirinimo aparatas SPARTUS® EasyMIG 270, 250A, 400V	მიწოდების ძაბვა: 400V, 50Hz სამუშაო ციკლი 60%: MIG / TIG 250A; MMA 220A შედულების ძაბვა: 16.5 - 26.5 ვ შედულების მიმდინარე დიაპაზონი: MIG 50- 250 A; TIG 10-250 A; MMA 10-220 ა შედულების მეთოდები: MIG / TIG / MMA მავთულის კვების მექანიზმის ტიპი: 4 ბორბალი მაქსიმალური მიმდინარე მოხმარება: 12 ა შედულების მავთულის კოჭის დიამეტრი: D200 მმ, D300 მმ მავთულის კვების სიჩქარე: 2 - 15 მ / წთ დაცვის კლასი: IP21 საიზოლაციო კლასი: ფ ზომები: 920 x 470 x 740 მმ წონა: 38 კგ	ცალი	1	8 800,00	8 800,00
8	სამაგიდო ცირკულარული ხერხი (პატარა ზომის)	მინი ცირკულარული ხერხი მაგიდით. 220v-50/60 HZ. არანაკლებ 4900 ბრ/წთ. 100 მმ	ცალი	1	220,00	220,00
9	ელექტრო ბეწვახერხი	ძაბვა: 220-240V ~ 50Hz შეყვანის სიმძლავრე: არანაკლებ 80W სიჩქარე დატვირთვის გარეშე: 0-1450 rpm ჭრის მაქსიმალური სიღრმე: არანაკლებ 50 მმ ჭრის მაქსიმალური სიგანე: არანაკლებ 410 მმ მაგიდის ზომა: არანაკლებ 375*250 მმ მაგიდის დახრის დიაპაზონი: 0-45 ° დანის ზომა: 133*2.6*0.25 მმ (18TPI) ინდუქციური ძრავა გლუვი ჭრისთვის. ვიბრაციის საწინააღმდეგო დიზაინი სტაბილური მუშაობისთვის. სწრაფი და მარტივი ინსტრუმენტი. ფოლადის	ცალი	1	530,00	530,00

		მაგიდის დახრა 45 ° მარცხნივ და მარჯვნივ				
10	ხელის ელექტრო ლობზიკი	ბეწვა ხერხი პირებთან კომპლექტში. ხერხის სიმძლავრე არანაკლებ 600 W, ძაბვა: 220-240 V, სიხშირე: 50-60 Hz, სვლის რაოდენობა: არანაკლებ 800 არაუმეტეს 3000 ბრ/წთ, ხერხვის სიღრმე: ხე - 80 მმ, ხერხვის სიღრმე: ლითონი - 8 მმ, პოზიციების 4 რაოდენობა	ცალი	1	210,00	210,00
11	სამუშაო დაზგა	ცირკული ხერხი დაფით 216*30 მმ, არანაკლებ 4500 ბრ/წთ, სიმძლავრე - არანაკლებ 1450 ვატი, დიამეტრი - 216 მმ. ხის ჭრის სიღრმე არანაკლებ 90° - 60 მმ. სამუშაო მაგიდის ზომა 455x488 მმ- ს, მაგიდის ზომა დამაგრძელებლით- 455x800 მმ.	ცალი	1	1 350,00	1 350,00
12	სამაგიდო ცირკულარული ხერხი	სიმძლავრე: არანაკლებ 1450 W. ბრუნვის სიხშირე წუთში: არაუმეტეს 4500 (დატვირთვის გარეშე). მჭრელი პირის დიამეტრი: 254მმ. მაქსიმალური ჭრის შესაძლებლობა: 80მმ (90 °) 55მმ (45 °); დისკის დახრის კუთხე: 0-45°; ძირითადი AL გამოწრთობილი მაგიდა მარჯვნივ და უკან გაფართოვებადი მაგიდა; მარცხნივ მოძრავი მაგიდით; მტვრის შემკრები ტომარით; ზღუდეთი; გონიოთი; დანით; ელემენტური ლაზერით; მაღალი ხარისხის ზღუდის ნაწიბურები; წინ და უკან, ზემოთ და ქვემოთ ბრუნვის ისტემა სწორად ჭრისათვის;	ცალი	1	1 970,00	1 970,00
13	პროგრამა - ხის მხატვრული დამუშავების ათვის სამუშაო დაზგა/მაგიდა ა მაკეტირების ათვის (სტანდარტული)	ზომა: 1500x780x830მმ დამატებითი ცენტრალური გამაგრება: მაგიდის სიმაღლის დონის რეგულირება:	ცალი	15	1 145,00	17 175,00

14	პროგრამა - შედულებისა თვის სამუშაო დაზღა/მაგიდ ა მაკეტირების ათვის (სტანდარტუ ლი)	ზომა: 1500x780x830მმ დამატებითი ცენტრალური გამაგრება: მაგიდის სიმაღლის დონის რეგულირება:	ცალი	6	1 990,00	11 940,00
----	--	--	------	---	----------	-----------

შემსყიდველი:

სსიპ კოლეჯი „ლაკადა“

ქ. ჯვარი, ყაზბეგის ქ. # 2

ს/კ 242728679

ტელ: 595 50 67 32

წარმომადგენელი:

დირექტორის მ/შ თენა ქუხილავა

ბანკი: ხაზინა

მიმწოდებელი:

შპს „გემი

ქ. ზუგდიდი, კედის 2

შესახვევი 26

ს/კ 420001321

ტელ: 577 62 82 09

წარმომადგენელი:

კობა ყალიჩავა

ბანკი: თი ბი სი -TBCBEGE22

GE23TB7873536060100001
